

PREDAJE O ODLIKAMA MJESECA REDŽEBA



Predaje o odlikama mjeseca redžeba

Rekao je hafiz Ibnu Hadžer – Allah mu se smilovao: "Nije prenesen niti jedan ispravan ili vjerodostojan hadis kojim se može dokazati da mjesec redžeb ima posebne odlike i vrijednosti. Isto tako nisu ispravne predaje o vrijednosti i posebnoj nagradi posta ovog mjeseca, bilo da je u pitanju post cijelog mjeseca redžeba ili post određenih dana ovog mjeseca. Također, nije ništa preneseno o posebnoj noći u ovom mjesecu koju treba izdvojiti za noćni namaz. Sve što je preneseno o spomenutim karakteristikama i odlikama mjeseca redžeba jesu ili izmišljeni ili slabi hadisi (po pitanju vjerodostojnosti)".

(Tebjinul-adžeb bima verede fi fadli redžeb, str. 2-3)

Rekao je uvaženi šejh Ibnu Usejmin – Allah mu se smilovao: "Ono što je pomenuto o zikrovima i namazima, koji su karakteristični samo za ovaj mjesec, nije vjerodostojno niti se uzima kao dokaz da se po tome treba postupati. Čak i kada bismo rekli da je pomenuti ibadet u ovom mjesecu pohvalan – što isto tako negiramo – nije dozvoljeno čovjeku vjerniku da, samo zbog ulaska mjeseca redžeba i vjerovanja u njegovu posebnu vrijednost, više vremena posvjeti ibadetima poput namaza, posta ili zikra nego u drugim mjesecima".

(El-lika'u eš-šehri, tom 40, str. 1)

Dova: "Allahu naš, podari nam bereketa u redžebu i šabanu, i daj nam da dočekamo mjesec ramazan".

Hadis, u kojem se prenosi ova dova, slabim je ocijenila skupina učenjaka hadiskih nauka, poput Nevevija, Zehebija, Ibnu Redžeba i drugih.

Rekao je Ejub Es-Suhtijani: "Koliko god se osoba koja čini novotarije u vjeri trudila (u činjenju novotarija), toliko se udaljava od Allaha".

(Hiljetul evlija, tom 3, str. 9)